

Na platou ispred „Skenderije”, u okviru uobičajenog svakodnevnog uručenja olimpijskih medalja, u isto vrijeme kulturno-zabavni program, uz ostale brojne učesnike, imao je svoje „zvijezde večeri” – Željka Bebeka i Jadranku Stojaković.

U Narodnom pozorištu krcata dvorana izdašno je pljeskala akterima ansambla Opere ove kuće – bravurozno je, po jutarnjim kritikama, izvedeno veliko djelo Aleksandra Borodina, opera sa prologom u tri čina „Knez Igor”.

Istu noć u dvorani RU „Đuro Đaković”, na večeri posvećenoj zabavnoj muzici, slušaoci su uživali u nastupu sarajevskog vokalno-instrumentalnog ansambla „Indexi”.

Još jedna sarajevska olimpijska noć otplovila je u nezaborav.



Domaćini Sarajeva u društvu španskog suverena razgledaju gradilište skakaonice na Malom polju na Igmanu.